

# QISHLOQ HAYOTI

№ 6 (9117)-son

Ўзбекистон  
Respublikasi  
ijtimoiy-iqtisodiy  
gazetasi

1974-yil 1-yanvardan  
chiqa boshlagan

## Ўзбекистон Республикаси Президентининг ҚАРОРИ ҚОРАҚЎЛЧИЛИК ТАРМОҒИНИ ЯНАДА РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Бугунги кунда мамлакатимизда қоракўлчилик тармоғи корхоналарини модернизация қилиш, ишлаб чиқариш қувватларини техник ва технологик жиҳатдан янгилаш, ўзбек қоракўли брендини яратиш ва дунё миқёсида тарғиб қилиш, соҳанинг инвестициявий жозибдорлигини ошириш борасида кенг қамровли ишлар амалга оширилмоқда.

Шу билан бирга, майда шохли наслдор молларни кўпайтириш, шунингдек, уларни сўйиш, тери ва жунини қайта ишлаш, гўшт-сут маҳсулотлари, ярим тайёр ва тайёр маҳсулотлар ишлаб чиқариш корхоналарини ташкил қилиш, тармоққа ривожланган хорижий давлатлар тажрибасини ва инновацион технологияларни жорий этиш, сув билан таъминланмаган яйловларда янги сув иншоотларини қуриш ва мавжудларни модернизация қилиш борасида бир қатор тизимли муаммолар сақланиб қолмоқда.

Шунингдек, мавжуд яйловлар ҳосилдорлигини ошириш, уруғчилик майдонларини кенгайтириш, наслчилик ишла-

рини янада такомиллаштириш, соҳада экспортбоп қоракўл ва қоракўлча тери етиштириш аҳоли бугунги кун талабига жавоб бермайди.

Юқоридагиларни инобатга олиб, қоракўлчилик тармоғини давлат томонидан қўллаб-қувватлаш, яйловлардан самарали фойдаланиш ва яйловлардан фойдаланишда солиқ имтиёзларини қўллаш, уруғчилик ишини йўлга қўйиш, наслчилик ишларини такомиллаштиришда субсидия бериш тартибини қўллаш ҳамда соҳанинг илмий салоҳиятини янада мустақамлаш мақсадида:

1. Қоракўлчилик Республикаси Вазирлар Кенгаши ва вилоятлар ҳокимликлари 2021 йил 1 мартга қадар қоракўлчилик кластерлари томонидан қўй ва эчкиларни бўрдоқига боқиш комплексларини ташкил этиш мақсадида уларга қишлоқ хўжалигида фойдаланилмаётган суғориладиган ерларни фойдаланишга киритиш шарти билан мувоқалар етиштириш учун 1-иловага озсуқалар ер майдонлари ажратилишини таъминласин.

ДАВОМИ 2-САҲИФАДА >>>

## ЎЗБЕКИСТОН ПРЕЗИДЕНТИНИНГ АФҒОНИСТОН ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТИ ТЎҒРИСИДА

Ўзбекистон Республикаси Президенти Шавкат Мирзиёев  
10 февраль куни Афғонистон Ислом Республикаси Президенти  
Ашраф Ғани билан телефон орқали мулоқот қилди.

Икки томонлама муносабатлар ва минтақавий ҳамкорликнинг долзарб масалалари кўриб чиқилди.

Президент Ашраф Ғани давлатимиз раҳбарига Афғонистонда тинчлик ва барқарорлиқни таъминлаш, ушбу мамлакат иқтисодий-иқтисодий тиклаш масалаларида кўрсатилаётган ҳар томонлама кўмак учун биродар Афғонистон халқи номидан самимий миннатдорлик билдирди.

Давлат раҳбарлари Ўзбекистон, Афғонистон ва Покистон ҳамда етакчи халқаро молиявий институтларнинг юқори даражадаги вакиллари иштирокида ўтган Трансафғон транспорт йўлагини қуриш лойиҳасини илгари суриш бўйича уч томонлама ишчи гуруҳнинг биринчи йиғилиши муваффақиятли бўлганини катта мамнуният билан қайд этдилар.

Ушбу лойиҳани амалга оширишни, жумладан, техник ҳужжатларни тайёрлашни ва қурилиш ишларини бошлаш муҳим экани таъкидланди.

Президентлар сазой-ҳаракатларни бirlаштириб, янги "Сурхон – Пули-Хумри" электр узатиш линиясини барпо этиш лойиҳасини амалга оширишни жадаллаштиришга келишиб олдидилар. Шу мақсадда режалаштирилган ишларнинг бажарилишини мувофиқлаштиришнинг

икки томонлама механизми яратилади, унинг доирасида ҳар ой видеоанжуманлар ўтказиб борилади.

Шунингдек, кўп қиррали Ўзбекистон – Афғонистон муносабатларини, жумладан, нефть-газ тармоғи, таълим соҳаси, техник ихтисосликлар бўйича малакали афғонистонлик кадрларни тайёрлаш борасида кенгайтириш имкониятлари кўриб чиқилди.

Буюк шоир ва мутафаккир Алишер Навоий таваллудининг 580 йиллигига бағишлаб жорий йил март ойида Ҳирот шаҳрида ўтказиладиган байрам тадбирларида Ўзбекистон делегацияси иштирокида эшитиш юзасидан келишувга эришилди.

Бўлажак олий ва юқори даражадаги тадбирлар ва мулоқотлар режаси юзасидан ҳам фикр алмашилди.

Президентлар "Йўл харитаси" ва устувор инвестиция лойиҳаларининг амалга оширилишини доимий мониторинг қилиш ва самарали илгари суриш мақсадида қўшма ҳукумат гуруҳини шакллантириш топшириғини бердилар.

Ўзбекистон ва Афғонистон етакчиларининг телефон орқали мулоқоти ҳар доимгидек очик, конструктив ва дўстона руҳда ўтди.

ЎЗА

## АТРОФ-МУҲИТНИ МУҲОҒАЗА ҚИЛИШ БЎЙИЧА УСТУВОР ВАЗИФАЛАР БЕЛГИЛАНДИ

Олий Мажлис Қонунчилик палатасидаги  
Ўзбекистон Экологик партияси фракцияси  
2021 йилга мўлжалланган давлат дастурида  
белгиланган устувор вазифаларга  
бағишланган давра суҳбати ўтказди.

Ҳаракатлар стратегиясини "Ёшларни қўллаб-қувватлаш ва аҳоли саломатлигини мустақамлаш йили"да амалга оширишга оид Давлат дастурида барча соҳалар қатори атроф-муҳитни муҳофаза қилиш, табиий ресурслардан оқилона фойдаланиш ҳамда аҳоли саломатлигини сақлаш соҳасида ҳам амалга оширилиши лозим бўлган устувор вазифалар белгиланган.

Хусусан, республика ҳудудида давлат ўрмон фондига кирмайдиган дарахт ва буталарнинг қимматбаҳо навлари кесилишига жорий этилган мораторийнинг амал қилиш муддатини 2021 йил 31 декабрга қадар узайтирилиши бўйича кенг жамоатчиликнинг тақлифлари инобатга олинди. Ҳар бир кесилган дарахт ва буталар учун компенсация тарзида 10 туп қимматлиги жиҳатидан кесилмайдиган дарахт ва буталардан кам бўлмаган, йирик ўлчамли кўчат экилиши ҳамда уларни камида икки йил давомида парвариш қилиниши, ноқонуний кесилган дарахт ва буталар учун эса уч йил давомида парвариш шарти билан 100 туп кўчат экиш мажбурияти юқлиниши ҳудудлардаги яшил майдонларни қисқариб кетишини олдини олиш учун хизмат қилади.

Дарахт ва буталарнинг кесилишига жорий этилган мораторий талабларига риоя этилиши устидан жамоатчилик назоратини кучайтириш мақсадида дарахт ва буталарнинг ноқонуний кесилишини аниқлаган ёки олдини олган фуқароларни рағбатлантириш тизими жорий этилади.

ДАВОМИ 2-САҲИФАДА >>>



## ЎЗБЕКИСТОН – ҚИРҒИЗИСТОН:

### ҲАМКОРЛИК ИСТИҚБОЛИ МУҲОКАМА ҚИЛИНДИ

Қирғизистон Республикасининг Жоқору  
Кенеш депутаты Наталья Никитенко  
бошчилигидаги Парламент аъзолари,  
Президент аппарати ва бошқа масъул  
идора ходимларидан иборат делегацияси  
мамлакатимизга ташриф буюрди.

10 февраль куни делегация аъзолари Ўзбекистон Республикаси Бош прокуратураси ҳузуридаги Мажбурий ижро бюроси раҳбарлари ва масъул ходимлари билан учрашди.

Таъкидлаш жоиз, тарихан узвий боғлиқ қўшни ва қардош мамлакатлар ўртасидаги иқтисодий-сиёсий ва ҳуқуқий муносабатларни янада ривожлантиришда икки томонлама манфаатларга бирдек жавоб берадиган ҳамкорлик алоқалари муҳим аҳамият касб этмоқда.

Учрашувда меҳмонларга кейинги уч йил давомида Ўзбекистон Республикаси Бош прокуратураси тизимида амалга оширилган ислохотлар ҳақида сўзлаб берилди. Хусусан, Қирғизистон делегацияси аъзолари мажбурий ижро соҳасига доир мамлакатимиз тажрибасини ўрганиш мақсадида алимент ундириш масаласини тартибга солиш, ҳуқуқий ва илғор механизмларни қўллаш ҳамда амалиётга татбиқ этиш борасида амалга оширилаётган ишлар билан яқиндан танишди. Бюро органлари томонидан алиментга доир ижро ишлари бўйича ижро ва назорат тизимининг электрон платформаси жорий этилаётгани меҳмонларда катта қизиқиш уйғотди. Жумладан, ушбу амалиётга кўра, жорий йил март ойидан бошлаб, Алимент мажбуриятини ижро этиш ва назорат қилишининг ягона ахборот тизими йўлга қўйилади. Алимент мажбурияти алоҳида банк ҳисобварағи билан интеграция қилинади.

Бугунги кунда Бюро органлари олдида турган долзарб масалалардан яна бири хорижий давлатлар ваколатли идоралари билан ҳамкорлик қилиш ва суд қарори ижроси соҳасида Ўзбекистон Республикасининг халқаро мажбуриятларини таъминлаш ҳисобланади.

Шунга мувофиқ, хориждаги мажбурий ижро органлари ҳамда ваколатли халқаро ташкилотлар билан икки томонлама муносабатларни йўлга қўйиш, ўзаро ҳуқуқий ёрдам кўрсатиш бўйича самарали ҳамкорлик қилиш, шунингдек, хориж давлатлари ҳудудидаги қардорлар ҳамда уларнинг мол-мулки ва даромади манбасини қидириб топиш масаласи бўйича манзилли ишлар амалга оширилмоқда.

Учрашувда икки томонлама алоқаларни мустақамлашни назарда тутувчи маълумот ва тажриба алмашиш, ҳамкорликда тадбирлар ўтказиш, шунингдек суд қарорларининг мажбурий ижроси юзасидан маълумот алмашишга келишиб олинди.

Саидмурод РАҲИМОВ,  
ЎЗА мухбири.

## СИРДАРЁ ВИЛОЯТИ

### “ДЕҲҚОНОБОД АСЛ АНОРИ”НИНГ асл маҳсулотлари

Мирзачўлга анор кўчатлари ўтган асрнинг  
40-50 йилларида Қувдан кириб келган. Уша йиллари  
водийдан бир гуруҳ фарғоналик оилалар Мирзачўлга  
кўчиб келади ва ҳозирги Мирзаобод туманидаги  
“Деҳқонобод” қишлоғида анор кўчатларини экиб,  
парваришлаш тажрибасини оммалаштиради.

Шу тариқа анорчилик кенг ёйлаб, Мирзаобод туманидаги Найман, Дўнгарик, Пахтаобод, Тошкент ва Боёвут туманидаги ҳозирги Ш.Рашидов қишлоқларида юзлаб томорқа эгаллари анор етиштириш билан шугуллана бошладилар.

Раимжон ака Неъматовлар оиласи ҳам 1950 йилларда водийдан Деҳқонобод қишлоғига кўчиб келиб, Кува анорларини кўпайтирган бўлса, унинг ўғли Исроилхон Неъматов катта ва эзгу ишга кўл уриб, 2017 йилда “Деҳқонобод асл анори” ишлаб



чиқариш кооперативини ташкил этди. 2018 йилда кооператив қошида Голландия технологияси асосида ишлайдиган, бир мавсумда 5800 тонна анор шарбатини қадоқлайдиган корхона ишга туширди.

Миришкор Исроилхон Неъматов изланишларини давом эттириб, Мирзачўлда энг тоза шарбат оладиган анорнинг оч қизғиш тусли янги “қорақайин” навини яратди.

ДАВОМИ 2-САҲИФАДА >>>

## ЎЗБЕКИСТОН ЧАРМ МАҲСУЛОТЛАРИ ИТАЛИЯ ВА ЕВРОПА БОЗОРЛАРИГА КИРИБ БОРМОҚДА

Чарм-пойабзал маҳсулотлари  
экспорти ҳажминини ошириш доирасида  
мамлакатимизнинг Италиядаги элчихонаси  
кўмағида “Angren Charm Invest” ва  
Италиянинг “Antonio Couture” компанияси  
ўртасида тайёр чармни Италия ва  
Европанинг бошқа давлатларида экспорт  
қилиш бўйича шартнома имзоланди.

Ҳозирга қадар Италия компаниялари ва юртимиз корхоналари иштирокида терини қайта ишлаш, чарм-пойабзал маҳсулотларини ишлаб чиқарувчи қўшма лойиҳаларни амалга оши-

риш ҳамда экспорт кўрсаткичларини ошириш юзасидан видеоконференцалоқа шаклида бир қатор учрашувлар ўтказилган.

ДАВОМИ 2-САҲИФАДА >>>

## Экинларни томчилатиб, ёмғирлатиб суғоришнинг афзалликлари кўп

### ФАРҒОНА ВИЛОЯТИ

Бу йил Фарғона вилоятида 24 минг 378 гектар майдонда  
томчилатиб ва ёмғирлатиб суғориш технологиясини жорий  
этиш режалаштирилган эди. Амалда 44 минг 582 гектарда  
сувни тежайдиган технологияларни ўрнатиш бўйича  
шартномалар тузилди. Жумладан, 29 минг 100 гектар пахта,  
6 минг 31 гектар боғ, 145 гектар тоқзорларда томчилатиб,  
8 минг гектар майдонда ёмғирлатиб суғориш усулини жорий  
этиш бўйича ишлар олиб борилмоқда.

Бугунги кунда 3 минг 150 гектар майдонда ана шундай технологияларни қўллаш учун тижорат банкларидан 58 млрд. 760 млн. сўм кредит маблағлари расмийлаштирилган. Ҳозирги кунда курувчи ва лойиҳачи корхоналар томонидан 244 та фермер хўжалиқларининг 13 минг 482 гектар майдонида лойиҳасмета ҳужжатлари тайёрланиб, 187 та фермер хўжалигида қурилиш-монтаж ишлари бошланди.

Ўзбекистон Республикаси Бош вазирининг ўринбосари Шуҳрат Ғаниев раҳбарлигидаги Ишчи гуруҳи аъзолари жойларда сув тежовчи технологияларни

жорий этиш билан боғлиқ тайёргарлик ишларини кўздан кечирдилар. Ишчи гуруҳи аъзолари ушбу мавзуга бағишланган кўргазмалар семинарларда ҳам қатнашди.

Ана шундай тадбирлардан бири Ёзёвон туманидаги “Фар.Турдибой ҳожи” фермер хўжалигида ўтказилди. Бу ерда 15 гектар ғалла майдонида ёмғирлатиб суғориш технологияси жорий қилинган бўлиб, иштирокчилар мазкур усулнинг афзалликлари, қўлланиш натижаси ва самарадорлиги билан танишдилар.

Олтиариқ туманидаги “Тўхтасин Фармонов” фермер хўжалигида ўтказилган



семинарда асосий эътибор жойларда сув тежовчи технологияларни жорий қилиш мақсадида ташкил қилинган сервис гуруҳларининг вазифалари, уларнинг бажариши лозим бўлган ишларига қаратилди. Бу соҳада мутахассислар атрофлича тушунчалар беришди.

Вилоятда сувни тежайдиган технологияларни жорий этишни кенгайтириш бўйича штаб тузилган бўлиб, кунлик бажарилаётган ишлар бўйича ҳар бир курувчи, лойиҳачи ва талабгорлардан маълумотлар олинди, юзага келаётган

муаммолар, камчиликлар муҳокама қилиб борилмоқда.

Давлатимиз раҳбари 4-5 февраль кунлари Фарғона вилоятига сафари чоғида Олтиариқ туманидаги “Файзли боғлар сари” узумчилик кооперациясини бориб кўрди. Бу ердаги 6 гектарлик тоқзор ўрнида илгари пахтадан 20, ғалладан 25 центнер ҳосил олинар эди. Утган йили мазкур ерда боғ яратилиб, “Хусайни”, “Келин бармок”, “Ризамат” навли узум кўчатлари экилган.

ДАВОМИ 2-САҲИФАДА >>>

Яйловлар учун белгиланган ер солиғи ставкаси 50 фоизга камайтирилади

Тадбиркор Италиядан анор қўчатларини олиб келди унинг шарбатлилик даражаси 65 фоизни ташкил қилади

## Ўзбекистон Республикаси Президентининг ҚАРОРИ

# ҚОРАКЎЛЧИЛИК ТАРМОҒИНИ ЯНАДА РИВОЖЛАНТИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

(Боши 1-саҳифада)

2. Молия вазирлиги қоракўлчилик соҳасини янада ривожлантириш мақсадида 2021 йил 15 февралга қадар Молия вазирлигининг вақтинча бўш турган маблағлари (Ўзбекистон Республикаси Давлат бюджети ва давлат мақсадли жамғармалари маблағлари, бюджетни қўллаб-қувватлаш учун жалб қилинадиган халқаро молия институтлари ва хорижий ҳукумат молия ташкилотларининг кредитлари, суверен халқаро облигацияларни чиқариш ва қонун билан тақиқланмаган бошқа манбалар) ҳисобидан 100 миллион сўм маблағларни "Туронбанк" АТБга Марказий банк асосий ставкасида ажратсин.

"Турон банк" АТБ мазкур бандга асосан ажратиладиган маблағларни Республика "Қоракўлчилик" уюшмаси (кейинги ўринларда – Уюшма) аъзоларига 3 йил муддатга, шу жумладан, бир йиллик имтиёзли давр билан Марказий банкнинг асосий ставкасига 2 фоизлик банк маржасини қўшиш орқали ҳисобланадиган ставка бўйича кредит сифатида қуйидаги мақсадларга тақдим этилишини таъминласин:

наслчилик қоракўлчилик ҳўжаликлари-дан қўйлар харид қилиш;

қоракўлчилик соҳасида экспортбоп қоракўл ва қоракўлча терини қайта ишлаш ҳамда тайёр маҳсулот ишлаб чиқариш корхоналарини ташкил этиш;

қоракўлчилик субъектлари томонидан озуқа цехлари (гранулятор)ни ташкил этилишини ҳамда қишлоқ ҳўжалиги техникалари ва агрегатлари, ресурс тежовчи ускуналар ва замонавий технологиялар харид қилинишини молиялаштириш;

сув чиқариш иншоотларини барпо этиш ҳамда мавжудларини таъмирлаш ва модернизация қилиш.

Белгилансинки, ушбу бандда назарда тутилган кредитлар бўйича Ўзбекистон Республикаси Президентининг 2020 йил 2 сентябрдаги "Ўзбекистон Республикасида пиллачилик ва қоракўлчиликни янада ривожлантириш чора-тадбирлари тўғрисида" ги ПФ-6059-сон фармони 1-бандининг еттинчи хатбошида белгиланган тартиб асосида

Тадбиркорлик фаолиятини қўллаб-қувватлаш давлат жамғармаси маблағлари ҳисобидан компенсация ажратилади.

3. Шундай тартиб ўрнатилсинки, унга қўра:

2024 йил 1 январга қадар Пиллачилик ва қоракўлчиликни ривожлантириш кўмитасининг (кейинги ўринларда – Кўмита) доимий ағалигидаги яйловлар ҳамда Ўрмон ҳўжалиги давлат кўмитаси томонидан Кўмитага ижарага берилган яйловлар учун белгиланган ер солиғи ставкаси 50 фоизга камайтирилади;

наслдор қўй ва эчкининг, шу жумладан, қоракўл зотли қўйларнинг хорижий давлатлардан импорт қилинган ҳар бир эмбрионига Ўзбекистон Республикасининг республика бюджети маблағлари ҳисобидан 400 минг сўм миқдоридан субсидия тақдим этилади;

2021 йил 1 апрелдан бошлаб Уюшма аъзоларига ўзлари томонидан импорт қилинган қўй боши сонининг 50 фоизидан ошмаган қисмини тирик ва хом гўшт кўринишида (ТИФ ТН бўйича 0104 ва 0204 кодлари) экспорт қилишга рухсат этилади, бунда экспорт контрактлари мониторинги Кўмита ва Уюшма томонидан юритилади.

4. Кўмита Ветеринария ва чорвачиликни ривожлантириш давлат кўмитаси, Инвестициялар ва ташқи савдо вазирлиги ҳамда Давлат божхона кўмитаси билан биргаликда 2021 йил 20 мартга қадар Уюшмага аъзо бўлган ҳўжаликлар томонидан Ўзбекистон Республикаси божхона чегараси орқали қўй, унинг гўшти ва ички органлари, ошланган ёки қайта ишланган қоракўл терисининг олиб чиқилишини мониторинг қилиш ва тегишли давлат органлари билан маълумот алмашиш тартибини Вазирлар Маҳкамасига киритсин.

5. Ветеринария ва чорвачиликни ривожлантириш давлат кўмитаси "Ўзстандарт" агентлиги ва Давлат божхона кўмитаси билан биргаликда экспортга йўналтирилган тирик қўй ва улардан олинган гўшт маҳсулотларини ташқи бозорларга чиқаришда халқаро стандартлар ва талаблар асосида

тегишли ҳўжатларни сифатли тайёрлаш, импорт қилувчи мамлакатлар талабларини экспорт қилувчи корхоналарга етказишни таъминлаш ҳамда экспорт қилишда уларга ҳар томонлама қўмақлашин.

6. Кўмита, Инновацион ривожланиш вазирлиги ва Уюшмани:

илм-фан ва ишлаб чиқаришнинг мустақам интеграциясини таъминлаш, илмий ва инновацион фаолиятни самарали ташкил этиш, халқаро ҳамкорликни ривожлантириш мақсадида Қоракўлчилик ва чўл экологияси илмий-тадқиқот институти тузилмасида Марказлашган илмий-наслчилик тажриба лабораторияси (кейинги ўринларда – наслчилик лабораторияси) ни ташкил этиш;

наслчилик лабораториясини Қоракўлчилик ва чўл экологияси илмий-тадқиқот институтининг бўш турган Самарқанд вилояти, Самарқанд шаҳри, Мирзо Улугбек кўчаси, 47-уй манзилидаги биносига ижара тўловининг "ноль" ставкаси асосида жойлаштириш тўғрисидаги таклифлари маъқуллансин.

Наслчилик лабораториясининг асосий вазифалари этиб қуйидагилар белгилансин: соҳада маҳаллий ва хорижий фан ютуқларини татбиқ этиш асосида табиий серпуштликка, юқори ҳаётчанлик ва мослаш хусусиятига эга бўлган қўш маҳсулдор янги қўй зотларини яратишнинг лаборатор тажрибаларини олиб бориш;

наслдор қоракўл қўйларининг сифат кўрсаткичлари (қўй вази, саноатбоп жун, қоракўл териси сатҳи ва гул типини) яхшилаш бўйича тажрибалар ўтказиш ва тавсиялар ишлаб чиқиш;

илмий-наслчилик тажриба станцияларида юқори наслдор элита синфига мансуб насли қўйлар отарларини илмий асосда ташкил этиш ва сунъий уруғлантириш

ишларини тизимли йўлга қўйиш.

7. Давлат геология ва минерал ресурслар кўмитаси Кўмитанинг буюртмаларига асосан яйловларда ер ости сув манбаларини аниқлаш ва ҳулоса бериш бепул амалга оширилишини таъминласин.

8. Тошкент шаҳар ҳокимлиги ва Давлат активларини бошқариш агентлигининг Тошкент шаҳри, Шайхонтоҳур тумани, Фурқат кўчаси, 1-уй манзилида жойлашган бионинг иккинчи ва учинчи қаватида Уюшмани бепул жойлаштириш тўғрисидаги таклифига розилик берилсин.

9. Ўзбекистон Республикаси Президентининг айрим қарорларига 2-иловага мувофиқ ўзгартиришлар киритилсин.

10. Кўмита икки ой муддатда: хорижий давлатлардан импорт қилинган наслдор қўй ва эчкининг, шунингдек, қоракўл зотли қўйларнинг ҳар бир эмбрионига Ўзбекистон Республикасининг республика бюджети маблағлари ҳисобидан субсидия тақдим этиш тартибини;

бошқа манфаатдор вазирлик ва идоралар билан биргаликда қонун ҳужжатларига ушбу қарордан келиб чиқадиган ўзгартиришлар тўғрисидаги таклифни Вазирлар Маҳкамасига киритсин.

11. Мазкур қарор ижросини самарали ташкил этишга масъул ҳамда шахсий жавобгар этиб Кўмита раиси Б.Қ. Шарипов белгилансин.

Қарорнинг ижросини ҳар чорақда муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикаси Бош вазирлининг ўринбосари Ш.М. Ганиев зиммасига юклансин.

Амалга оширилаётган чора-тадбирлар натижадорлиги юзасидан Вазирлар Маҳкамасига ҳар ярим йил якуни бўйича ахборот киритиб борилсин.

## Ўзбекистон Республикаси Президенти

Тошкент шаҳри,  
2021 йил 9 февраль

## Ш.МИРЗИЁЕВ

## АТРОФ-МУҲИТНИ МУҲОҒАЗА ҚИЛИШ БЎЙИЧА УСТУВОР ВАЗИФАЛАР БЕЛГИЛАНДИ

(Боши 1-саҳифада)

Шунингдек, Давлат дастурининг 123-бандига мувофиқ, ҳокимликлар қошидаги Ободонлаштириш бошқармалари таркибидан дархат ва буталарни ҳимоя қилиш бўлимларини ташкил этиш масаласини қўриб чиқишни яшил ҳудудларнинг кенгайишида муҳим аҳамият касб этади.

Давлат дастурининг 122-бандида белгиланган сувни тежайдиган технологиялар жорий этиладиган ер майдонларини кўпайтириш ҳамда сувни иқтисод қилиш технологияларини жорий этиш мақсадида сўғориш даврида республика бўйича 5 миллиард куб метрча сув тежаллади.

Шунингдек, Давлат дастурининг 201-бандига мувофиқ, аҳолига коммунал хизматлар кўрсатиш тизимини янада яхшилаш орқали марказлашган маблағлар ҳисобидан 971 километр ичимлик ва оқова сув тармоқлари ва 63 та сув олиш иншоотларини қўриб, фойдаланишга топшириш режалаштирилган. Андижон, Наманган ва Фарғона вилоятларида аҳолиси 15 миңдан кам бўлмаган, марказлашган ичимлик сув таъминоти етиб бормаган қишлоқ аҳоли пунктларини ижтимоий буюртма асосида ичимлик суви билан таъминлаш назарда тутилган.

Давлат дастурида Орол денгизи ҳалокати оқибатида юзага келган экологик фожиалар таъсирини юмшатишга қаратилган амалий ҳаракатларни қатъий давом эттириш белгиланган. Оролбўйи минтақаси учун Инсон хавфсизлиги бўйича кўп томонлама шериклик Траст жамғармаси фаолияти бўйича халқаро ҳамкорликда қилинаётган амалий ишлар янада кучайтирилади. Орол денгизининг қуриган тубида ўрмонзорларни барпо этиш ишлари изчил давом эттирилади.

Давра суҳбатида таъкидланганидек, Давлат дастурининг 251-бандида белгиланган атроф-муҳитнинг ифлосланиш даражаси ҳолатини баҳолаш механизмининг таъминлаштириш орқали корхоналарда атроф-муҳитнинг ифлосланиш манбалари мониторинги ва давлат экологик назоратини ўрнатиш, атроф-муҳитнинг ифлосланиш даражаси ҳолатини мунтазам баҳолаш ва прогноз қилишни таъминлаш ҳамда корхоналарнинг атроф-муҳитга салбий таъсирини камайтириш имконияти яратилади.

Тадбирда якунида фракциянинг тегишли қарори қабул қилинди.

Нурилло НАСРИЕВ,  
ЎЗА мухбири.

## “ДЕҲҚОНОБОД АСЛ АНОРИ”НИНГ асл маҳсулотлари

(Боши 1-саҳифада)

Анорчиликда эришган катта муваффақиятлари сабабли у 2018 йилда Ўзбекистон Республикаси Қишлоқ ҳўжалик ҳодимлари байрами кунинда давлатимизнинг юксак мукофоти – “Дўстлик” ордени билан тақдирланди.

120 та корхона, фермер ва томорқа ҳўжалиги аъзоларини бирлаштирган “Деҳқонобод асл анори” ишлаб чиқариш кооперативи жамоаси 2019 йилда 30 миң литр анор шарбати ишлаб чиқариб, ички бозорга реализация қилди. 2020 йилда пандемия бир қатор нуқулалликлар туғдиришига қарамай кооператив аъзолари 40 тонна анор уруғи, 10 тонна анор шарбатини Жанубий Кореяга экспортга йўналтиришди. Анордан олинаётган шарбатнинг сархиллиги, дориворлиги гап йўқ. Шу боисдан бу ерда тайёрланаётган маҳсулотларга кўплаб давлатлардан буюртмалар тушапти. Чунончи, Австрия давлати 2021 йилда 160 тонна анор мевасини сотиб олиш бўйича ҳамкорлик шартномаларини имзоламоқда. Яна Жанубий Корея, Россия давлатлари анор шарбатида буюртмалар берди. Яқинда корхона маҳсулотларига “GLOBAL G.A.P.” халқаро сертификати берилди.

Дунёнинг 120 дан ортиқ давлатида тан олинган мазкур сертификат бу ерда тайёрланаётган анор шарбатларини юзлаб мамлакатларга экспорт қилиш имконини беради. Айтиш жоизки, мазкур халқаро тан олинган сертификатта 2019 йилда Ўзбекистонда 2 та корхона эга бўлган бўлса, ҳозирда



уларнинг сони 229 тага етди. Шуларнинг бири “Деҳқонобод асл анори” кооператив ишлаб чиқариш корхонасидир. Халқаро сертификатдан жаҳонда айни вақтда 210 миңдан ошқ фермер ҳўжаликлари, ишлаб чиқариш корхоналари фойдаланиб, маҳсулотларини дунё бозоридан сотмоқдалар. Ушбу сертификатга эга бўлишнинг 250 дан ортиқ талаблари бор. Бунда ишлаб чиқариш жараёнидаги тозалик, маҳсулотнинг ҳавфсизлигини таъминлаш, уларнинг буюртмачиларга, дастурхонга етиб боришига бўлган 150 та ҳолат – талаб қатъий назоратга олинади.

Чекка қишлоқдаги тадбиркорнинг халқаро сертификати кўлга киритиши кооператив аъзоларининг чинакам ютуғидир.

– Биз бундай шарафга эга бўлиш учун аввало, деҳқончилик маданиятини, тижорат сирларини пухта ўргандик, – дейди “Деҳқонобод асл анори” ишлаб чиқариш кооператив бошлиғи Исроилхон Неъматов. – Анор шарбатида нордонлик кучли бўлгани боис, уларни пластмасса идишларда узоқ вақт сақлаб бўлмайдим, шар-

лари экиб, парваришланиб, етилган анор қайта ишланади, Мирзаобод анорлари хорижий давлатларга экспорт қилинади, дунё бозорини “ишғол” этади, демакдир. Яна бир қувонарли жиҳати, тадбиркор ўтган йили Италиядан 660 туп энг кўп шарбат берадиган анорнинг “вонденпул” навини олиб келиб, кооператив майдонларига ўтказди. Қўчатлар бу йил гуллаб, тўлиқ ҳосил бера бошлайди. Аҳамиятини томони шундаки, бизнинг маҳаллий навларимиз 30-35 фоиз шарбат берса, “вонденпул” навининг шарбатлилик даражаси 65 фоизни ташкил қилади. Қатор анорзорлар ушбу шарбатлиги юқори анор қўчатлари ҳисобига тўлдириб борилса, улардан маҳсулот олиш суръати икки бараварга ошади. Масаланнинг мана шу жиҳатларини пухта ўрганган тадбиркор анорзорларни серхосил, сершира, юқори истиқболли қўчатлар билан тўлдириш чораларини кўраётир. Бу эса кластернинг истиқболига янада кенг йўл очади, “Деҳқонобод асл анори” кооперативининг довуғини дунёга танитади.

Ҳозир ишлаб чиқариш кооперативида анор пўстлари Голландия технологиясида арчилиб, донидан шарбат олинаётган бўлса, келгусида замонавий цехда беҳи шарбатини тайёрлаб, экспорт қилиш ҳам кўзда тутилганиги миризаободлик тадбиркорларнинг катта мақсад ва марраларни кўзлаб ишлаётганидан далолат беради.

Бозорбой БЕКМУРОВОВ,  
“Qishloq hayoti” мухбири.

## ЎЗБЕКИСТОН ЧАРМ МАҲСУЛОТЛАРИ ИТАЛИЯ ВА ЕВРОПА БОЗОРЛАРИГА КИРИБ БОРМОҚДА

(Боши 1-саҳифада)

Бир неча ой давом этган қизгин музокаралар натижасида “Antonio Couture” ва “Angren Charm Invest” компаниялари ўртасида халқаро эксклюзив экспорт шартномаси имзоланди. Унга кўра, “Antonio Couture” компаниясига “Angren Charm Invest” корхонаси маҳаллий чарм маҳсулотларини чекланмаган ҳажмда нафақат Италия, балки Европанинг барча давлатларига экспорт қилишга келишди.

Бундан ташқари, “Antonio Couture” Ўзбекистон маҳсулотини Италия ва Европа бозорларида реклама қилиш билан шуғулланади. Шунингдек, халқаро кўргазмаларда мазкур маҳсулотларни намойиш этади ва “Angren Charm Invest” манфаатларини халқаро савдо майдонидан ҳимоя қилади. Имзоланган шартноманинг яна бир афзаллиги – улғуржи экспорт билан бир қаторда, махсус технологиялар асосида ишлаб чиқарилган юқори сифатли чарм маҳсулотларини алоҳида буюртмаларга кўра экспорт қилиш белгиланган.

Энди “Angren Charm Invest” корхонаси нафақат Италия ва Европа бозорига маҳсулотларини экспорт қилади, балки Ўзбекистоннинг имиджини шакллантиришда муҳим роль ўйнайди. Бунинг учун эса корхона, албатта, технологияларни такомиллаштириш, ишлаб чиқарилаётган маҳсулот сифатини янада ошириши керак бўлади.

Қайд этиш кераки, “Angren Charm Invest” корхонаси маҳсулотлари Италиядаги 14 та йирик компания, жумладан, “Masconi”, “Bauchi 1970”, “Karteliano”, “Gozzini”, “DMS ITALIA”, “Delta Acque” кабилардан келтирилган технологиялар ёрдамида тайёрланади. Ишлаб чиқарилаётган маҳсулотларнинг 80 фоизи экспортга йўналтирилган.

Шартномага кўра, Ўзбекистоннинг сифатли тайёр чарм маҳсулотларини экспорт қилиш жорий йилнинг март-апрель ойларидан бошланади.

ЎЗА



## Экинларни томчилатиб, ёмғирлатиб сўғоришнинг афзалликлари кўп

(Боши 1-саҳифада)

Қатор ораларида помидор, бодринг, қўчатлар, қалампир ва бошқа сабзавотлар етиштирилмоқда. Эътиборли томони боғда томчилатиб сўғориш тизими жорий қилинган.

“Ғайзли боғлар сари” узумчилик кооперациясининг умумий ер майдони қарийб 130 гектар. Шундан 40 гектарда тоқзор, 90 гектарда интенсив боғ барпо этилган. 2 миң тонна сигимли музлаткичли омбор, юк машиналари бор. Етиштирилган маҳсулотларнинг катта қисмини экспорт қилиш режалаштирилган.

Шу ерда Фарғона вилоятида қишлоқ ҳўжалиги соҳасида амалга ошириладиган лойиҳалар тақдимот қилинди.



Вилоятда ирригация ва мелиорация тадбирлари ҳамда насос станцияларини реконструкция қилишга катта маблағ сарфланаёпти. Ҳўжалик ички зовурлари, ариқлар, насос станциялари фермер ҳўжаликлари ва кластерларга бириктириб берилди. Лекин, уларни эксплуатация қилиш ишлари талабга жавоб берадими. Давлат-хусусий шериклик асосида ирригация ва мелиорация объектлари, насос станцияларидан унумли ва самарали фойдаланиш долзарб вазифа бўлиб турибди.

Сувни иқтисод қилиш энг катта муаммо, уни зовурга тушириш хиёнат эканлиги Президентимиз томонидан яна бир марта таъкидлаб ўтилди.

Фарғона вилоятида ер ресурслари чеклангани сабабли чўл жойлар, яйлов ва адирликларда 33 миң гектар ер ўзлаштирилди. Бунга сарфланадиган 350 миллиард сўмлик харажатларнинг 110 миллиарди субсидия ҳисобидан қўллаб берилди.

Президентимизнинг Фарғона вилоятига ташрифи чоғида айтилган фикрлар, берилган топшириқлардан келиб чиқиб, вилоят сув ҳўжалиги ташкилотларида амалга ошириладиган чора-тадбирлар режаси белгилаб олинди ва дастлабки ишлар бошлаб юборилди.

Ҳамиджон БУРҲОНОВ,  
“Qishloq hayoti” мухбири.

Қишлоқ хўжалигида билим ва инновациялар Миллий маркази унинг вазифалари нималардан иборат?

Хитой инвестицияси асосида яна бир лойиҳа

Фармон ва ижро

Дехқончиликда инновацияларга кенг йўл очилди

Биламизки, қишлоқ хўжалиги экинларидан юқори ва экологик тоза маҳсулот етиштириш учун илм-фан ютуқларига таяниш, ишлаб чиқаришни “Таълим-илм-фан-ишлаб чиқариш” шаклидаги яхлит тизим доирасида ташкил этиш лозим.

Президентимизнинг “Қишлоқ хўжалигида билим ва инновациялар тизими ҳамда замонавий хизматлар кўрсатишни янада ривожлантириш тўғрисида”ги фармони ва унинг ижросини таъминлашга қаратилган “Ўзбекистон Республикаси Қишлоқ хўжалиги вазирлиги ҳузуридаги Қишлоқ хўжалигида билим ва инновациялар миллий маркази фаолиятини ташкил этиш тўғрисида”ги қарори лойиҳалари билан танишар эканман, уларнинг нафақат юқоридаги масалаларни, балки Ўзбекистон қишлоқ хўжалиги фани, таълими ва амалиётидаги кўплаб долзарб муаммоларни ечишга қаратилганига амин бўлдим. Масалан, ҳозирда фермер хўжалиқларининг аксарияти кўп тармоқли. Демак, унга вилт юкмайдиган ғўза, занг тўшмайдиган бўғдой нави, мевалари тотли ва чиримайди, жуни ҳам, гўшти ҳам мўл қўй зоти, иссиқхонабоп бодринг ва помидор уруғлари керак. Бу экинларнинг парваришlash агро-техникалари ҳам турлича. Помидор ва бодринг сувсевар, ғўзани ортиқча сугориб бўлмайд, ғовлаб кетади. Техникада ҳам фарқ катта. Агрокластерларда эса бу жараён интенсификацияланган. Пахта-тўқимачилик кластери пахта, галла кластери бўғдой етиштириш билан чекланмайд, уларни қайта ишлайди, тайёр маҳсулот ҳолига келтиради ва сотади. Кўриниб турибдики, фермер ва кластерларнинг би-

лими ва илми агроном, муҳандис, зооветеринарларга, замонавий хизматларга эҳтиёжи катта. Фармон ва қарорда бу эҳтиёжни қоплаш йўллари аниқ-равшан очиб берилган. Энг диққатлиси, мавжуд ва янгидан ташкил этилган илмий муассасалар битта бошқарув органи – Қишлоқ хўжалигида билим ва инновациялар Миллий маркази таркибига киритилган. Тошкент давлат аграр университети ва унинг учта филиали, Андижон қишлоқ хўжалиги ва арготехнологиялар институти, агросаноат мажмуидида бошқа олий таълим ва илмий-тадқиқот муассасаларининг илмий-инновацион фаолияти Марказ томонидан мувофиқлаштирилиши белгилана қўйилган. Бу тадбирлар таълим жараёни ва илмий тадқиқотларни беш йиллик дастур доирасида ташкил этиш ва ривожлантиришни таъминлайди, қишлоқ хўжалиги фани ва амалиёти учун билим-ли бакалаврлар, магистрлар ва истеъодли ёш олимларни тайёрлаш ишлари тизимли равишда амалга оширилади. Сир эмаски, фермер хўжалиқлари ва агрокластерлар раҳбарлари, мутахассислари қанчалик иқтидорли бўлмасин, ресурстежовчи технологиялар, замонавий техника воситалари, кимёвий препаратлар, хуллас, фан-техника ютуқларига эҳтиёж сезади. Миллий марказнинг янгидан ташкил этилаётган Республика агрохизматлар маркази, Қорақалпоғистон Республикаси, вилоятлар ва туман агрохизматлар марказлари бу эҳтиёжларни қондиришга ҳизмат қилади. Ўзбекистоннинг энг чекка ҳудудларидаги фермерлар, кластерлар мутахассислари жойидан чиқмасдан етмаган билимларини тўлдиради, қишлоқ хўжалиги маҳсулотлари етиштириш, уларни қайта ишлаш ва сотишга доир керакли тавсия ва кўрсатмаларни олади. Бош вазир ўринбосари раислигида Қишлоқ хўжалиги соҳасида таълим, илм-фан ва ишлаб чиқаришнинг узвий интеграциясини таъминлаш бўйича Мувофиқлаштирувчи кенгаш ташкил этилган, унга қишлоқ хўжалиги соҳасида илмий изланишлар олиб бораётган бакалавр, магистр ва ёш илмий кадрлар тайёрлаётган барча раҳбарлари, мутахассислари ва олий таълим муассасаларининг ўзаро ҳамкорлигини таъминлаш, илмий ҳажмдор маҳсулотларни тижоратлаштириш кўламини кенгайтириш мақсадида илмий-тадқиқот муассасалари ва қишлоқ хўжалиги кластерлари ўртасидаги келишувларни



тузиш амалиётини йўлга қўйиш каби долзарб вазифалар юклатилгани айниқса, қувонарлидир. Соҳа илмий-тадқиқот институтларининг ҳар бирига вазирлик, идора ва хўжалик моддийлаштириш ва тижоратлаштириш цикллари давомийлигини кескин қисқартиради, илмий ҳажмдор маҳсулот ўз эгасини топади, энг муҳими, олимнинг ишлаб чиқарувчи олдидида, ишлаб чиқарувчининг олим олдидидаги масъулияти ортади. 2021 йил 1 мартдан Миллий марказ тизимидаги илмий-тадқиқот муассасаларида тадбиркорлик субъектларини жалб этган ҳолда кичик илмий-инновацион корхоналарни ташкил этишга рухсат берилган олимларга ишонч ва қувонч бағишлади. Ўзим ишлаётган Қишлоқ хўжалигини механизациялаш илмий-тадқиқот институтида фермер хўжалиқлари ва қишлоқ хўжалиги кластерлари билан ўзаро ҳамкорликда шундай корхонани ташкил этамиз. Шунда макет нусхасидан нарийлаш ўртадаги келишувларни

жаларимиз саноат нусхалари шаклида далаларга етиб боради, бундан олим ҳам, фермер ҳам, кластер ҳам бирдай фойда олади. Яна муҳими, топилган даромаднинг бир қисмини олимларнинг турмуш шароитларини яхшилашга йўналтириш имконияти пайдо бўлади. Хуллас, юқоридаги ҳаётбахш ҳужжатлар ҳамда “2021-2025 йилларда қишлоқ хўжалигида билим ва инновациялар тизимини устувор ривожлантириш концепцияси”да келтирилган аграр таълим тизимини тақомиллаштириш, илмий муассасаларнинг илмий ва инновацион фаолиятини янада ривожлантириш, илмий ахборот ва маслаҳат тизими асосида агрохизматлар тармоғини ривожлантиришга доир устувор йўналишлар фаолиятимизда дастуриламал бўлиб хизмат қилади.

Муҳаммад ТОШБОЛТАЕВ, Қишлоқ хўжалигини механизациялаш илмий-тадқиқот институти директорининг илмий ишлар ва инновациялар бўйича ўринбосари, техника фанлари доктори, профессор.

Ўтган йил дунё халқлари учун оғир кечди. Кутилмаган синовларга рўбарў қилди. Хитойда аниқланган коронавирус инфекцияси қисқа фурсат ичида деярли барча мамлакатларга тарқалиб улгурди. Кутилмаган бу офат пандемия даражасига бориб етди. Соҳалар ривожига, иқтисодиётига катта путур етказди. Одамларнинг соғлиги ва ҳаётига таъжовуз солди.

Чекловлар бекор қилинди, лекин...

Минг афсуски, миллионлаб инсонларни бевақф бу дунёдан олиб кетди. Ҳамон ўз ҳукмини ўтказишда давом этмоқда. Дунё миқёсида касалликни юқтирганлар сони 103 миллион нафардан ошиб кетди. Улардан 2,5 миллионга яқини вафот этди. Шукрки, халқимизнинг бир тану бир жон бўлиб олиб борган сайё-ҳаракатлари боис бугунги кунларга етиб келдик. Дунё ҳамжамияти томонидан эътироф этилаётган бу натижаларга осонликча эришилмади. Коронавирус тарқалишининг олдини олиш, халқ соғлиги, оқсоқиллиги йўлида нимаки зарур бўлса қилинди. Ривожланган мамлакатлардан малакали мутахассислар таклиф этилди. Зарур тиббий анжом, дори-дармонлар келтирилди. Мавжуд шифо масканлари мослаштирилди. Фидойи тиббиёт ходимларининг куну тун хизмати йўлга қўйилди. 2020 йилнинг ноябрь ойидан бошлаб мамлакатимизда коронавирус пандемияси билан боғлиқ вазият бироз бўлса-да барқарорлашганлиги муносабати билан босқичма-босқич жорий этилган карантин чекловлар бекор қилиниб, ижтимоий ва иқтисодий соҳалар фаолияти тикланди. Қўплаб маданият соҳаси вакилларининг мурожаатларини инобатга олган ҳолда, шунингдек, халқимизни маданий ҳордиқ чиқаришлари учун қулай шароит яратиш мақсадида жорий йилнинг 28 январидан санитария-эпидемиологик талабларга қатъий риоя этган ҳолда концерт-томоша тадбирларини ташкил этишга рухсат берилди. Республика махсус комиссиясининг концерт ва томоша тадбирларини ўтказиш бўйича талаблари белгиланди. Шунингдек, умумий оқватлиниш корхоналари ва кўнгличар объектларнинг соат 8:00 дан 23:00 гача бўлган даврда фаолият юритиши билан боғлиқ чекловлар ҳам бекор қилиниб, тегишли талаблар доирасида фаолиятини ташкил этишларига рухсат берилди. Шу ўринда таъкидлаб ўтиш жоизки, дунёнинг қатор мамлакатларида коронавирус билан боғлиқ вазиятнинг кескинлашуви натижасида карантин, ҳаттоки, ижтимоий ва иқтисодий соҳалар фаолиятини тўхтатиш каби чекловлар ҳамон давом этмоқда. Қолаверса, коронавирус инфекциясининг генетик шаклини ўзгартирган, жуда тез тарқалувчи COVID-19 вирусининг “британча” штамми пайдо бўлиши, мамлакатимизга ҳам кириб келиши барчамизни янада ҳушёр тортирмоғи керак. Энг асосийси, ниқоб бу брадада энг ишончли ҳимоячимиз экани ёдимиздан кўтарилмаслиги шарт. Санитария-эпидемиологик қоидаларга қатъий риоя этиш мамлакатимизда эпидемиологик барқарорликни таъминлаш борасида эришилган бугунги вазиятнинг бардавом бўлишини таъминлайди. Буни барчамиз чуқур англашимиз, масъулиятни оширишимиз зарур.

Раҳмонжон АБДУЛЛАЕВ, Ўзбекистон Республикаси санитария-эпидемиологик оқсоқиллик ва жамоат саломатлиги хизмати Наманган вилояти бошқармаси бошлиғи.

Барча бирдек масъул

Ёнғин келтириб чиқарган қалфатлар ҳақида кўпчилик билади, албатта. Ёнғин содир бўлган хонадон вайронага айланади, уйдан файз-баракат ўчади.

Ачинарлиси, инсон ёнғиндан жиддий тажароҳати олиб, бир умрга ногирон бўлиб қолиши ёки ис газидан заҳарланиб кўрбон бўлиши мумкин. Биринчидан, ёнғинда у хоҳ катта, хоҳ кичик бўлсин, албатта моддий зарар кўрилади. Иккинчидан, ёнғинга эҳтиётсизлик қўшни хонадон гувиллаб ёнади-ю, сизнинг ёнғин хавфсизлиги қоидаларига амал қилишингиз кўкка созурилади. Шундай экан, доимо ён атрофингиздагиларни ҳам ҳушёрликка чақиришингиз нур устига нурдир. Лекин орамизда айрим инсонлар эҳтиёткорликни унутиб, кўпчиликнинг азият чекишига сабаб бўлмоқда. Шунинг учун барчамиз аввало ўз уйимизда, қолаверса кўни-қўшни ва маҳалла куйда юз бериши мумкин бўлган ёнғинларнинг олдини олишга масъул бўлайлик!

Ҳикматилла МЕРГАНОВ, Сергели тумани ФВБ ўринбосари, майор.

ҚОРАҚАЛПОҒИСТОН РЕСПУБЛИКАСИ

Кегейлида Пекин ўрдаги етиштирилади

Ветеринария ва чорвачиликни ривожлантириш давлат қўмитасида Хитой Халқ Республикасининг TIANJIN KAITENG INVESTMENT GROUP CO. LTD. компанияси вакили профессор Ванг Венджене билан онлайн учрашув бўлиб ўтди.

Мулоқотда Қорақалпоғистон Республикасида “Қишлоқ хўжалиги илмий-ишлаб чиқариш парки – кўп тармоқли кластер” ташкил этиш лойиҳасини жадаллаштириш масаласи кўрилди. Лойиҳа доирасида чорвачилик фермалари, тажриба хўжалиқлари, ем ишлаб чиқариш фабрикалари, ветеринария дори воситалари ва озуқабор қўшимчалар фабрикаси, минерал ўғит ва пестицидлар ишлаб чиқариш заводи, қушхона, озиқ-овқат фабрикалари, терини

қайта ишлаш заводи, логистика ҳамда савдо тармоқлари қурилиши режалаштирилган. Бунинг учун Кегейли туманидан ер ажратилиб, Хитойдан озуқа экинлари уруғини юртимизга олиб келиш бўйича ташкилий ишлар амалга оширилмоқда. Лойиҳа 2021-2024 йилларга мўлжалланган. Умумий қиймати 90 млн. АҚШ доллари бўлиб, 450 дан зиёд ишчи ўрин яратилиши билан аҳамиятли. Агар лойиҳа тўлиқ қувватда иш юритса, жами 20 минг бош йирик шохли мол

парварши қилиниши билан бирга йилига 5 млн. бош Пекин ўрдаги ва 500 тонна истеъмол қисқичбақаси етиштирилади.

Музокара якунида ўзбек-хитой ишчи гуруҳи шакллантирилиб, Чин делегацияси келгунга қадар лойиҳани амалга оширишнинг дастлабки босқичини бошлашга келишилди.

Ветеринария ва чорвачиликни ривожлантириш давлат қўмитаси Ахборот хизмати.

Эълонлар

АСТРАХАНЬ ДАВЛАТ ТЕХНИКА УНИВЕРСИТЕТИНИНГ ТОШКЕНТ ВИЛОЯТИДАГИ ФИЛИАЛИ БЎШ (ВАКАНТ) ПРОФЕССОР-ЎҚИТУВЧИ ЛАВОЗИМЛАРИГА МЕҲНАТ ШАРТНОМАСИ АСОСИДА ТАНЛОВ ЭЪЛОН ҚИЛАДИ

- КАФЕДРА МУДИРЛАРИ: 1.Сув биоресурслари ва аквакультура; 2 Экология ва табиатдан фойдаланиш 1.Фалсафа (1.0); 2.Физика (1.0); 3. Жисмоний тарбия ва спорт (1.0)
ДОЦЕНТЛАР: 1.Зоология (0.75); 2. Ихтиология (0.5); 3. Сув ресурслари ва микробиология(0.5) 1. Инглиз тили (1.0); 2. Жисмоний тарбия ва спорт (1.0)
КАТТА ЎҚУВЧИЛАР:
АССИСТЕНТЛАР:

Танлов учун ҳужжатлар эълон чиққан кундан бошлаб бир ой давомида қабул қилинади

Талаб қилинадиган ҳужжатлар: Ижрочи директор номига ариза; сўровнома; таржимаи ҳол; тегишли олий маълумоти ҳақидаги диплом; илмий даража; илмий унвон; илмий ишлар ва ихтиролар мавжуд бўлган тақдирда; уларни тасдиқловчи дипломлар; аттестатлар нусхалари; малака ошириш тўғрисида гувоҳнома нар хўжалиқлари ва илмий ишлар рўйхати. (3.4-шакл). Танловга тушган барча ҳужжатлар олдиндан

кафедра мажлисида кўриб чиқилади. Илгари кафедрада ишламаган шахсларнинг ҳужжатларини кўриб чиқишдан олдин, улар томонидан синов маърузалари (университет профессор-ўқитувчилари учун – очик машғулотлар) ўтказилади. Синов маърузалари ва очик машғулотлар мавзулари кафедра предметлари бўйича ўқув дастури талабларига мувофиқ бўлиши керак. Танлов қатнашчиларини тест синовларидан ўтказишга йўл қўйилади. Илгари ўзи эғаллаб келган лавозим учун тан-

ловда қатнашувчи шахслар кафедра мажлисида танловдан олдинги даврдаги илмий-педагогик, методик, тарбиявий ва бошқалар тўғрисида ҳисобот беради. Ҳужжатлар куйидаги манзилга топширилади: 100164, Тошкент вилояти, Қибрай тумани, Салар шаҳарчаси, Университет кўчаси 2-уй. Астрахан давлат техника университетининг Тошкент вилоятидаги филиали Илмий кенгаши. Телефон: +998 (90) 122-52-86.

АЗИЗ ЮРТДОШЛАР!

Мамлакатимизда амалга оширилаётган ижтимоий-иқтисодий ислохотлар, хусусан, қишлоқ жойлардаги улкан бунёдкорликлар, одамлар онгу тафаккуридаги ўзгаришлар, қишлоқ ҳаётининг жонли манзаралари билан танишиш истагида бўлсангиз,

“Qishloq hayoti”

ГАЗЕТАСИ УЧУН ОБУНА БЎЛИШГА ШОШИЛИНГ!

Бунинг учун обуна уюштирувчи ташкилотларга, шунингдек, тахририятнинг ўзига ҳам мурожаат этишингиз мумкин.

НАШРИМИЗ ИНДЕКСИ – 144

МУРОЖААТ УЧУН ТЕЛЕФОНЛАР: 236-26-50, 233-44-43, 233-28-04. ФАКС: 233-44-43. E-mail: info@qishloqhayoti.uz

"Журналист ва ҳаёт" лойиҳаси  
ижодкорлар учун айна муддао

Қоятошлардаги сирли суратлар  
Чинданам ҳайратланарли

Media-тур

# Наманганда икки кун

Яқинда "Журналист ва ҳаёт" лойиҳаси доирасида мамлакатимизнинг қатор етакчи нашрлари муҳаррирлари, таниқли ижодкорлар иштирокида Наманган вилоятида медиа-тур ташкил этди. Пойтахтдан ташриф буюрган ижодкорлар илк таассуротларини "Наманган Президент мактаби"дан олдилар. Жаҳоннинг энг нуфузли олий ўқув юртида грант асосида ўқиш имтиёзини қўлга киритган ўқувчилар ва уларнинг устозлари билан мулоқотда бўлди.



Шу кун меди-тур иштирокчиларини вилоят ҳоқими вазифини бажарувчи Шавкатжон Абдуразақов қабул қилди. Мулоқот чоғида ҳоқим Давлатобод туманида барпо этилаётган кўп қаватли уйлاردан бири имтиёзли ипотека кредити асосида ижодкорлар учун ажратилиши ҳақидаги хушxabарни эълон қилди.

Меди-турнинг иккинчи кун Нодирабегим номидаги вилоят ахборот-кутубхона марказида "Маънавий-маърифий ишлар самарадорлигини оширишда журналист масъулияти" мавзусидаги давра суҳбати ташкил этилди. Тадбир сўнггида бир гуруҳ фаол наманганлик журналистларга

уюшма дипломи, кўкрак нишони ва совгалари топширилди. Наманган шаҳридаги 5-умумтаълим мактабида Алишер Навоий таваллудининг 580 йиллигига бағишланган адабий кеча давомида ёш қаламкашлар томонидан тайёрланган деворий газеталар тақдими ҳам қатнашчиларда ёрқин таассурот қолдирди. Вилоят ёшлар марказида ўз фаолиятини бошлаган "Ёшлар медиа марказидаги иш жараёнлари, "Ёш журналистлар мактаби" тингловчиларига яратилган шароитлар эътироф қилинди. Марказий Осиёда ягона "Афсоналар водийси" маданият ва истироҳат боғидаги тунги сайр айниқса, меҳмонларни илҳомлантирди. Ижодкорлар бу ерда

фаолият кўрсатаётган 16 турдаги аттракционли тематик парк, 2400 ўринли амфитеатр, 7 хил сув аттракционлари ва 16 та бассейнли аквапарк, 2 та замонавий шаршара ва мусикали фаввора, ресторан ва 1800 ўринли автотурагоҳларда бўлди. Наврўз байрамига қадар ишга тушиши кутилаётган миллий ҳунармандлар маркази, масжид, 400 ўринли меҳмонхона, 110 та вилладаги сўнгги бунёдкорлик ишлари билин танишди. Давлатобод туманида қад ростлаётган замонавий кутубхона биносида меҳнат қилаётган қурувчилар билан кўришди.

**Равшанбек МИРЗОЛИМОВ,**  
"Qishloq hayoti" муҳбири.

# Табиат – моҳир ҳайкалтарош

Нурота ва Моргузар тизма тоғлари кесишган жойда Ғўбдин қишлоғи жойлашган бўлиб, аҳолиси асосан чорвачилик ва деҳқончилик билан шуғулланиб келади. Кенг яйловларда ёйилиб юрган кўй-қўзиларнинг яйраб кўпайиши учун шарт-шароитлар етарли бўлганлигидан аҳолининг турмуш тарзи йилдан йилга яхшиланиб, фаровонлашиб бормоқда. Биз бу ерда бўлган кунимиз баланд қоятошлардаги суратларни ҳам кўздан кечирिशга муваффақ бўлдик.



Қоятошлардаги суратларда тоғ эчкиси, архарлар, уй ҳайвонлари, сурув ортидан келаётган чўпон каби кўплаб тасвирлар акс эттирилган. Улар қоятошларга ўйиб ишланган бўлиб, ўлкаимизнинг нодир дурдоналари ҳисобланади. Аҳоли масканидан анча узоқда бўлганлиги ҳамда шамол ва ёгингарчиликлар камроқ текканлиги сабабли бу суратлар бугунги кунга қадар сақланиб қолган. Суратлар ўз даврининг моҳир мусаввирлари томонидан тошларга ўйиб ишланган.



Ҳар бир тошнинг ўзига хос хусусияти бор. Улардаги ноёб дурдоналарнинг контурлари аниқ ва равшан ифодаланган. Мусаввир томонидан суратнинг ҳар бир қисми (детали) моҳирона бажарилган. Ушбу тасвирларни кўздан кечирарканмиз ўтмишда ҳам ўлкаимиз табиати бой ва хилма-хил бўлганлиги, уй ҳайвонларининг кўпайиши учун шарт-шароитлар мавжуд эканлигини яқиндан билиб олдик.

Тоғларда жамланган ҳолдаги ҳарсантошлар кўп. Икки қўқор шоҳлашиб тош қотганга ўхшайди. Айқ, кобра, тошбақа, балиқ каби жониворларга ўхшаш тошлар ҳам мавжуд. Баланд тепалиқдаги қирққиз ва кампиртошлар жонсиз бўлса-да, оналар ҳамда шўх-шодон қизлар сиймоси тасвирланган бўлиб, инсонлар қиёфасини эслатувчи кўринишга эга. Уларга ҳеч ким ишлов бермаган, тарашламаган. Она табиатнинг

лан кесилгандек кўринишдаги баланд қоятошларга тоғ эчкиси, ҳўкиз, қўй-қўзи ҳамда дала ҳайвонларидан бўри, қоплон, турли қушларнинг суратларини кўришга муваффақ бўлдик. Шунингдек, қадимда ов маросимида қўлланилган ўқ-ёйлар ҳам ўша даврдаги ҳаваскор мусаввирлар томонидан моҳирона акс эттирилган. Уларда ўтмишдаги аждодларимиз дунёқараши, тасавури ва ҳаёт тарзи ифодаланганлигининг гувоҳи бўлди.

Қоятошлардаги суратлар ёмғир ёққанида ёки қуёш тик тушганида кўзга яққол ташланади. Бу суратлар ўтмишдан акс-садо беради. Табиатнинг бу мўъжизаларидан ҳайратланмасликнинг иложи йўқ. Уларнинг табиат маъсули, ўлкаимизнинг бой мероси ва тарихий аҳамиятга эга эканлигини, гузалликка завол, шикаст етказмаслик лозмлигини ёш авлодга тушунтириб борамиз. Қисқаси, Ғаллаорол тумани Қорангул қишлоғидаги қоятошларда йиғирма бешга яқин ҳар хил сурат ва тасвирлар ўқув даргоҳимизда фаолият юритаётган "Ёш табиатшунослар" тўғараги аъзоларига бир олам завқ бағишлади.

Биз дара бўйлаб тобора юқорига кўтарилаётган каттиқ, ялтироқ, худди личок билан келган экан.

**Барно АЛЛАЁРОВА,**  
Ғаллаорол туманидаги  
22-умумтаълим мактаби  
ўқитувчиси.

Реклама

## Сувда эрувчан хлорсиз комплекс ўғит – NPKS

ТАРКИБИДА: 17% АЗОТ,  
11% ФОСФОР, 9% КАЛИЙ,  
13% ОЛТИНГУГУРТ МАВЖУД

NPKS экишдан олдин  
иссиқхона ва очиқ ерга  
сепиш, уруғларга экиш  
олдидан ишлов бериш  
учун ишлатилади.

Сувда эрувчан, хлорсиз,  
мураккаб ўғит NPKS  
таркибида азот, фосфор,  
калий ва олтингугурт  
каби асосий озиқ  
моддалар мавжуд.

Манзил:  
Тошкент вилояти  
Чирчиқ шаҳри  
Тошкент кўчаси 2-уй.  
Тел.: +998 (7071) 5-25-20,  
5-34-40, 9-35-08.  
Факс: +998 (7071) 6-40-79,  
6-55-46, 6-45-07.

Маҳсулот сертификатланган

info@maxam-chirchiq.uz  
www.maxam-chirchiq.uz

## "ЗАМОНАВИЙ КУЛТИВАТОР"ЛАР ЎЗБЕКИСТОНДА

Далварзин таъмирлаш заводида ишлаб чиқарилган

**АФЗАЛЛИГИ:**

- ▶ 3 нўқтага тақилади.
- ▶ Қатор оралиғи 60 см.дан 90 см.

**ОРГАНЛАРНИ:**

- ▶ Чуқурлиги, ерга ботиш кучи,
- ▶ ўсимликдан қочириш тез амалга оширилади.

**БИРВАҚТДА:**

- ▶ Култивациялаш;
- ▶ Суюқлик пурқаш;
- ▶ Минерал ўғит солиш;
- ▶ Чуқур юмшатиш ишларини бажаради.

Маҳсулот сертификатланган.

Мурожаат учун тел.: (93) 549-15-15, (98) 121-18-07. E-mail: gazgtz@mail.ru

Эълонлар

Тошкент давлат Техника институти томонидан 2012 йилда Эгамназаров Акамурод Холмурод ўғли номига берилган № 2313 рақамли рейтинг дафтари асосида йўқолганлиги сабабли бекор қилинади.

2-Тошкент юридик коллежи томонидан 2016 йилда Жамолова Мафтуна Ойбек қизи номига берилган К № 4459865 (руйхат рақами 1634) рақамли диплом ва иловаси йўқолганлиги сабабли бекор қилинади.

Сурхондарё вилояти, Жарқўрғон sanoat касб-хунар коллежи томонидан 2017 йилда Эшмаматова Бегойим Акбар қизи номига берилган К № 4737863 (руйхат рақами 354) рақамли диплом ва иловаси йўқолганлиги сабабли бекор қилинади.